

DROBISCH
CREATIONIS
PHILOSOPHIAE DOCTORUM
N. 10

E

7.
nea

VITTORIO EM. III

FONDO PIZZOFALCONE



(1 Guatara)
BIBLIOTECA PROVINCIALE

misc. A. 51-355

Armadio

G




Palchetto

Num.° d'ordine

127

9810



56N 678456

SOLEMNIA
CREATIONIS

PHILOSOPHIAE DOCTORUM
ET
LIBERALIUM ARTIUM MAGISTRORUM

D. V. MARTII A. MDCCCXXX

IN CONCLAVI ORDINIS PHILOSOPHORUM

RITE PERACTA

NUNTIAT



MAURITIUS GUILIELMUS DROBISCH

ORDINIS PHILOS. H. T. DECANUS.

*Ad historiam literariam arithmeticae communis
symbolae.*

Quum nuper cum amicis quibusdam convenirem, et colloquium ad solemnia saecularia artis typographicae hoc ipso anno rite celebranda verteretur, in bibliotheca Senatus Lipsiensis asservari librum comperi, non solum rarissimum, verum etiam in historia typographiae, tum Germanicae universe tum prae caeteris Lipsiensis, memoria dignissimum. Est vero hic liber IOANNIS WIDMANNI, EGERANI, *arithmetica mercatorum*, germanice scripta, quae anno saeculi XV. octogesimo nono in hac ipsa urbe in publicum edita vetustissimus est liber arithmeticus patrio sermone typis exscriptus. Iam hortantibus amicis, ut eius libri accuratorem notitiam mihi comparare et de dignitate, quae, temporis quo prodiit ratione habita, ei concedenda sit, sententiam meam exponere et in publicum emittere velini, ad voluntatem eorum eo libentius me conformavi, quo certior post breve examen factus sum, librum istum non solum typographicae sed etiam mathematicae saeculi XV. artis utique insigne esse monumentum, et quo magis gaudebam, quod hac inateria, animum ad recentioris matheseos simul atque artis typographicae primordia revertendi datus mihi esset impulsus. Neque res tam exigua est quam primo obtutu esse videtur. Perpauci enim restant libri mathematici, in primis arithmetici, quorum auctores illo saeculo florerent, et quod ad arithmetica mercatorum attinet, nullus, quod nos sciamus, exstat scriptor Germanus e saeculo XV. primisque XVI. decenniis (ne Adamo Rasio quidem excepto), qui copiosorem eius artis explicationem nobis reliquerit. Rem igitur alacriter aggressus, ut comparatione instituenda iudicium meum quodammodo efformarem, quam maximam librorum mathematicorum, praecipue arithmetiicorum, medio aeo scriptorum copiam conferre studebam. Quo tamen in opere, quum tempus urgeret, in bibliothecis Lipsiensibus subsistere coactus sum; quod licuit etiam, quum bibliotheca Universitatis s. Paulina satis largam vetustiorum ex arithmetiicis, geometricis et astronomicis disciplinis operum collectionem possideat, nec non bibliotheca Senatoria complura mihi exoptatissima suppedicaret, denique, praeter pauca quaedam ex meis libris, etiam privatorum quorundam, qui mihi bene vellent, libri ad manum essent. Ita contigit, ut praeter Boëthium, inter recentiores, e saeculo X. Gerberti, e saeculo XIII. Ioannis de Sacro Bosco et Iordani Nemorarii, e saeculo XIV. Thomae Bradwardini et

Ioannis de Muris, e saeculo XV. Georgii Purbachii, Ioannis Regiomontani, Fratris Lacue de Burgo Sancti Sepulcri (s. Puccioli), Iacobi Fabri Stupulensis, Gregorii Reischii, e saeculo XVI. Martini Silicii, Iodoci Clichtovei, Christophori Rudolphi, Iacobi Koebelii, Adami Risii, Michaelis Stifellii, Ioannis Scheubelii, Hieronymi Cardani, Nicolai Turtaleae, Geminae Frisii, Christerni Morsiani, Ioannis Buteonis, Petri Rami, Christophori Clavii aliorumque, ut, inquam, talium virorum opera inspicere et inter se comparare mihi concessum esset. E scriptoribus historiae et literaturae matheseos Wallisium, Heilbronnerum, Weidlerum, Scheibelinum, Murhardum, Montuclum, Huttonum, Delambrium, Librium, Chuslesium in promptu fuisse, vix opus est, ut commemorem.

Non possum, quin, priusquam ad rem accedam, ex hoc apparatu meo, in quo comparando Excellentissimus et Doctissimus GERSDORFFUS, Bibliothecae Universitatis nostrae praepositus supremus, quae erat insignis eius erga me benevolentia, indefesso studio me adiuvit, quaedam in lucem protraham, quae hactenus vel omnino latuisse vel non satis nota fuisse videntur. Ad illa haec pertinere censeo.

1. *Textus Arithmetice Communis: qui pro magisterio fere cunctis in gymnasijs, ordinarie solet legi, correctus corroboratusque, perlucida quadam atque prius non habita Commentatione, a Conrado Norico*) artium liberalium, Academie Lipsensis Magistro, summo labore et diligentia, oritur.* (Lipsiae 1503.)

Ad finem huius libelli legitur epistola ita inscripta: „Spectabili et eximio facultatis artium: Academie Lipsensis: Decano venerabili septem artium liberalium Magistro vtriusque Iuris Baccalario domino Sixto Pfeffer de Werdea, preceptori suo prestantissimo Conradus Noricus se familiarem offert.“ Narrat auctor originem opusculi his verbis: „cum nuper ex quadam salubri institutione nostrae insignis Lipsensis academie tuique non minimus et servulum tuum:

*) Secundum Matriculam Ordinis Philos. Lips. Conradi Norici nomen integrum erat Conradus Tockler s. Dockler (serius Tuckler) de Nurenberga. Admissus est baccalareandus anno 1494 sub decanatu M. Cunradi Cocii dicti Wimpinae, magistrandus anno 1501, sub decanatu M. Mart. Merdarn de Hirsperck. Anno 1502 sem. hib. sub decanatu „Sixti pfeffer de werdea facultas instituit omnes lectiones legi gratis, ad quas deputavit magistros lectores sub facultatis expensis.“ In mathematica et „sphaera naturali“ Alexander Mathematicus, in arithmetica generali et musica „Conradus Dockler de Nurenberga“ electus est. Accepit ille 40, hic 16 florenos. Sine dubio hac opportunitate data, Docklerus „arithmetice communem“ suam edidit. Annis insequentibus Conradus noster etiam ad lectiones de perspectiva, sphaera naturali, theoria planetarum et Euclide deputatus est.

quamvis indignum: ad has lectiones que introductionis modo ad mathematicam conducunt, promptum diceres, profecto ingens labor meis humeris impositus“ etc. Exitus epistolae hic est: „*Vale ex Liptzk Sole in tertia parte aquarij Anno salutis 1503.*“ Commentatio in titulo textus commemorata separatim hunc titulum habet: *Commentacio Arithmetice communis a Conrado Norico artium liberalium: academie Lipsensis Magistro modo introductoria quedam in Mathematicam disciplinam ibidem publice legentis feliciter incipit.* Praemissa est praefatio, in qua scientia mathematica in prohibitam et concessam dividitur. Ad hanc arithmetica, musica, doctrina de ponderibus, geometria, perspectiva, astronomia referuntur, de illa, uti par erat, tacet auctor. Caeterum idem vult, hoc opusculum introductionum esse, quo lecto „quinis levius in Arithmetica Bohecij atque aliorum ascendere queat.“ Constat commentatio cum indice e duodecim, textus e tredecim foliis integris. Literae gothicae sunt et eleganter excusae. Signum impressoris Martinum Lantsbergium prodit.

2. *Algorithmus linealis numerationem Additionem Subtractionem Duplationem Mediantionem Multiplicationem Divisionem et progressionem una cum regula de Tri perstringens.*

Compendium arithmetices calculatoriae, cuius auctor, secundum literas dedicatorias, *Henricus Stromer Aurbachensis*; compositum est e septem foliis formae quaternae; „*impressum lyps per Baccularium Martinum Lantsberck Herbiopolensem Anno millesimo quingentesimo quarto*“ literis gothicis.

3. *Die Wälsch practica, gezogen auß der kunst der Proportion, lernt gar grundtlich vnd behend Rechnen alle kauffmans händel vnd dergleichen fürgab. Hie bey seind auch ettliche gesellschaften mit solcher kurtze in Rechnung der Practic verfaßet dergleichen imm Truck nie meer außgangen. Durch Geörgen Wälschen Burgern vnd teutschen Schülmeistern zu Straßburg. MDXXXVI.*

Complectitur hic computus quadraginta septem folia formae octonariae minoris.

4. *Ein künstlich rechenbüch auff Ziffern, Linien vnd Wälschen Practica, sampt ire Flores, dergleichen noch nit an tag kommen, durch Johann Eschenhut Rechenmayster zu Aufspurg practiciert. MDXXXVIII.*

Centum et septuaginta quatuor folia formae octonariae minoris.

5. *Johann Obers, der zeiten Burger vnn Teutscher Schüllerer zu Dänckelspühl, im 45. Jar newgestelt Rechenbüchlin, mit vil schönen exempeln vnd proben, seer behender griff vnn vorteyl, auff den lynien vnd ziffern,*

zuvor der weys nie aufgangen, wie dann nachfolgenden catalogi in der vorred dritten plats jnnhall, zymmlich wirt anzeygen. Ad finem: Gedruckt zu Augspurg, durch Heynrich Steyner, Anno M.D.XIV. Jar.

Centum et triginta novem folia formae octonariae minoris.

In sequentibus libris certe editiones, quibus utebamur, hactenus ignotae fuisse videntur.

1. *Algorithmus mercatorum Magistri Ambrosij Lacher de Merspurgh Mathematici de integro et fracto numero: ac varijs proportionibus eorundem contractibus inferuentibus. bene emendatus per Baccalaureum Bartholomeum Schöbel In florentissimo Gymnasio Lipsiensi ad monetam nostram nuper recalculatus. In calce libelli e sedecim foliis formae quaternae compositi: Impressum Lyptzigk per Baccalaureum Martinum Herbipolensem Anno domini 1510, literis gothicis.*

Scheibelius*) editionem huius opusculi Francofordensem laudat. Prima capita de numeratione, additione caeterisque rationibus arithmetices communis verbotenus e Purbachii elementis arithmetices descripta sunt**).

2. *Das new Rechenpüchlein Wie man vff den Linien vnd Spacien, mit Rechenpfenningen, Kauffmanschaft vnd Jegliche handelungen, leichtlich rechen lernen mage, zum Drittenmale gebessert vnn zu Oppenheim gedrückt. 1518.*

Computus hic Iacobi Koebeli innotuit quidem bibliographis matheseos, sed senioribus editionibus.

3. *Rechnung auf der Linien vnd Federn, Auf allerley handtierung, gemacht durch Adam Rifen. MDXLIII. Ad finem: Gedruckt zu Leipzig durch Michael Blum MDXLIII.*

Haec quoque libri notissimi editio literatorum matheseos vigilantiam effugisse videtur. Est igitur inter editiones annorum 1522 et 1548 intercalanda***).

*) Einleit. zur mathem. Bücherkenntnis. XI, 372.

**) Caeterum de hoc Lachero vid. Kaestneri Geschichte der Mathematik. I, 302.

***) Possessor huius libri est bibliopola honestissimus Salomo Hirszel, qui etiam senioris temporis opusculum arithmeticum mecum communicavit, quod catalogi quidem commemorant, sed titulum in dialectum Germaniae superioris convertunt. Genuinus titulus hic est: *Ein Nye Regens Boeck, Vp aller Koepmanshandeling, vór de anfangenden Schólers, Dúrch Franciscum Brasser, Vpt nye mit flyte wedder dúrchgereket, corrigeret, vnde mit Refolterung der 32. Befchlutextempel vórmehret. Grypswoldt dúrch Hans Witten gedrúckt vnde vórlécht, Im Jahr 1622. Sexaginta quatuor folia formae octon. min.*

4. *Deutsche Arithmetica Inhaltend. Die Hansrechnung. Deutsche Coss. Kirchrechnung. Alles durch Herr Michael Stifel, auff eine besondere neue und leichte weis gestellet. Zu Nürnberg truckts Johan Petreius. 1545 **).

Nonaginta duo folia formae quaternariae. Commemoratur quidem haec arithmetica in catalogis, sed ita, ut nemini coram fuisse videatur. Attamen, aequae ac reliqua egregii non minus quam modesti auctoris scripta, ad quam respiciatur dignissima est. Non solum enim terminologiam algebraicam ad patrium sermonem revocare, verum etiam, quod maioris est, exponere studet, rationem algebraicam (*die Coss*) difficiliorem quam regulam falsi, cuius usu illius cognitione supersedere computatores conabantur, non esse, multo maiorem vero et vim et ambitum habere.

Iam vere quum his rarioribus libris gaudebam, tamen etiam alii in desiderandis relictis sunt, quorum defectum aegre tuli. In quibus nonnulla Lipsiensia, nempe haec:

1. *Joh. Caroli Algorithmus. Lips. 1504. (Vid. Murhardi Biblioth. Math. I, 162).*
2. *Algorithmus de integris, minutis vulgaribus ac proportionibus, cum annexis de tri, falsi aliisque regulis. Lips. 1507. (Opus a Chalesio in historia geometriae p. 567 et 639 versionis germanicae citatum.)*
3. *Algorithmus linealis cum pulchris conditionibus Regle tetri etc. (auctore Balthasaro Licht). Impressum Lipczk per Melchiorum Lotterum. Anno 1513. (Vid. Kaestneri Gesch. d. Mathem. I, 85.)*

Praeterea

4. *Henricus Grammatens: Eyn new künstlich behend vnd gewis Rechenbüchlein, vff alle Kauffmanschaft etc. Wien 1518. (Vid. Scheibelii mathem. Bücherkenntnis. XII, 513.)*
5. *Petr. Apianus, Neue und wohlgegründete Unterweisung aller Kaufmannsrechnungen, in 3 Büchern. Editio prima. Frcfrt. 1527. (Vid. Scheibel l. l. 497. Titulus corruptus mihi videtur, habet enim sorem quemdam recentioris temporis.)*
6. *Künstliche rechnung mit der ziffer vnd mit den Zalspenningen, sampt der Wellichen Practica etc. Alles durch Christoffen Rudolff zu Wien verfertigt. Nürnberg 1546. (Vid. Scheibel l. l. 544.)*

*, E bibliotheca Senatus Lipsiensis.

7. *Simon Jacob (von Coburg): Ein neu und wohlgegründet Rechenbuch auf der Linie und Ziffern, samt der Welschen Practic etc. und dann von der Geometrie. Freyft. 1560. (Vid. de hoc opere laudatissimo Scheibel l. 1. 521 et Klägeli mathem. Wörterbuch I. 179.)*

Denique, si ad vetustiores scriptores respicio, *Baarlami Logistica et Suissethi calculationes* prae caeteris in desideratis nominandae sunt.

Hic etiam locus erit quaedam de *Ioannis de Sacro Bosco Algorismo* exponendi, qui in sequentibus saepius citabitur. Duo sunt algorismi, qui illius nomen ferunt, unus soluta oratione, alter versibus scriptus. Hunc utperrime demum in Anglia editum esse audiui, ille vero iam anno 1523 Venetiis prodiiit*). At vero de hoc algorismo soluta oratione scripto geometra doctissimus CHARLES in suo de historia geometriae libro, eruditionis pleno, iudicavit, spurium esse et perperam ad illum Ioannem referri. Hunc enim algorismum versibus composuisse, illum autem librum cum eo congruere, quem *Iodocus Clichtoveus* sub titulo: *Opusculum de praxi numerorum, quod Algorismum vocant*; Parisiis anno 1510 ediderit**). Et hoc quidem verum est, nec minus e Clichtovei praefatione apparet, auctorem huic editori notum non fuisse, sed cur idem Sacroboscus, qui algorismum versibus scripsit, alium de eadem materia librum soluta oratione componere non potuerit, non intelligo. Immo vero rationes in promptu sunt, quae contrarium probant. Habet enim bibliotheca Paulina Codicem membrana literis gothicis scriptum (Nr. 1486), qui ad saeculum XIII. refertur, in quo simul cum Sacrobosci libro de sphaera et computo ecclesiastico etiam algorismus soluta oratione scriptus continetur, cuius textus cum praxi numerorum a Clichtoveo edita, si a singulis quibusdam discesseris, congruit, et auctorem apertis verbis declarat; legitur enim ab initio: *Incipit Algorismus secundum Magistrum Iohannem de sacro buscho*; unde certe apparet, hunc algorismum eodem, quo Sacroboscus vixit, saeculo ei attributum et simul cum reliquis eius operibus descriptum esse.

*) *Heilbronneri histor. mathes. p. 471.*

**) Ad manum nobis est (e bibliotheca Paulina) editio prior, quae continetur volumine, cui titulus: *In hoc libro contenta. Epitome compendiosaeque introductio in libros Arithmeticos diui Senerini Boetij: adjecto familiari commentario dilucidata — praxis numerandi certis quibusdam regulis constricta. — Introductio in Geometriam breuifusculis annotationibus explanata etc.* Ad finem: *Id opus imprefferunt Volphgangus hopilius et Henricus stephanus ea in arte socii in almo parisiensium studio Anno Christi Celorum totiusque naturae conditoris 1503. Die vicefima septima Junij.* Scheibelius (*math. Bücherkennnt. XI, 347.*) editionem anno 1503 absolutam quidem, sed anno demum 1510 ex officina Henrici Stephani emissam descripsit, eamque librum rariissimum vocat; nostram editionem omnino non novit.

Qua in opinione confirmatus sum altero Codice eiusdem bibliothecae chartaceo (Nr. 1462) ad saeculum XV. referendo, in quo duo algorismi, prior soluta oratione, posterior metricus continentur, auctorum nomina vero adiecta non sunt. Ac priorem quidem eundem esse, de quo modo diximus, statim apparuit, alterum vero ad Ioannem nostrum referri debere, e versibus initialibus cognovi, qui ita se habent:

Hec algorismus presens ars dicitur esse)*

Talibus indorum fruimur bis quinque figuris.

Denique quia his rationibus apud me utrumque algorisum Ioanni Sacrobosco vindicasset, in *Wallisii de algebra tractatu***) hunc reperi locum, opinionem meam egregie corroborantem. „Certum item est, Wallisius inquit, *Iohannem de Sacro Bosco* (quem Vossius memorat ad annum 1232, quique anno 1256 mortuus est) reliquisse de Algorismo tractatum unum aut alterum. Ubi harum figurarum (sc. numerorum) usum exponit in singulis Arithmeticae partibus; quas ille novem facit: Numerationem, Additionem, Subtractionem, Mediationem, Duplicationem, Divisionem, Progressionem et Extractionem Radicum, Quadraticae Cubicaeque; quas omnes eodem fere modo peragit, quo nunc dierum peraguntur; et Algorismi nomen huic Arti appropriat. Duo huius operis habemus exemplaria MSS. alterum in Bodleiana, alterum in Saviliana Bibliotheca. Et utrique exemplari, oratione soluta scripto subiungitur (pro more illorum temporum) similis tractatus versibus conscriptus, quem itaque eiusdem Ioannis fuisse iudico vel saltem ipso non recentiore; nam Metricus hic in altero soluta oratione scripto citatur.“ Apparet ex his, Wallisium vereri, ne multo magis de metrici quam de alterius soluta oratione scripti tractatus genuina conditione dubitationes moveri possint, se ipsum vero et hunc et illum, quippe qui in utroque Codice MS. coniunctim observentur, ad

*) In aliis MSS. hic legitur in qua; cf. *Wallisii de algebra tractatus*. Opera T. II. p. 10. Constat carmen, secundum codicem nostrum, e centum et sexaginta sex versibus, quorum ultimi ita sonant:

Impar tunc maius medium se multiplicabit

Si par per medium tunc multiplicato propinquum.

Haec quidem iussuper sequuntur verba: *Et tunc est finis huius algorismi metrici*. Sed vereor, ne nonnulla hic desiderentur. Etenim tantummodo ad progressionem usque expositio procedit, exclusa extractione radicum, quae in hoc MS. etiam altero tractatu omissa est. — Benevolis curis Exc. Gerasdorni eiusque amanuensis sollertissimi, L. X. SERI, Ph. D. AA. M., huius algorismi metrici lectu difficillimi exemplar descriptum debeo.

**) Opera T. II. p. 12.

eundem auctorem referre. Caeterum non dixerim, metricum in altero tractatu citari. Scilicet notatur ab auctore, in duplicatione a sinistra ad dextram procedere computationem, quae in praecedentibus rationibus inverso ordine ingreditur, et tum additur: *unde versus* (apud Clichtoveum: *De quo datur hō versus*):

Subtrahis aut addis a dextris aut mediabis

A leua dupla diuide multiplica.

Extrahe radicem duplam sub parte sinistra;

qui vero sunt versus 30. sqq. carminis nostri*).

Nunc vero ad rem ipsam properemus. In qua aptum videtur, priusquam ad unum Widmannum nos convertamus, breviter exponere, qui fuerit eo, quo noster vixit, tempore status mathematicum in Germania universa. Ac illo quidem tempore in patria nostra studium mathematicum pulcherrime efflorescere coepit, ita ut Germani saeculo XV. et XVI. caeteris Europae gentibus omnibus doctrinae mathematicae laude praecellerent. Testem habemus *Petrum Ramum*, Francogallum, medio saeculo XVI. florentem, qui inter alia haec refert**): „Cum itaque, inquit, de mundi nobilibus scholis studiose mortales omnes, qui alicunde peregre ad nos rediissent, percunctarer, nulla in gente tam multas mathematici studii scholas comperiebam publicis stipendiis ornatas, quam in Germania, unica mathematicum schola ut militum officina.“ Tum narrat, Henricum Hassianum (qui obiit anno 1397) primum mathematicas artes Lutetia Viennam transtulisse et brevi tempore per universam Germaniam „mathematicorum tanquam familias prosemintas esse;“ Maximilianum imperatorem publicas mathematicum professiones liberali stipendio Viennae instituisse**), et nobile imperatoris exemplum in singulis academiis secutos esse principes liberasque civitates. Silentio quidem, quod miror, praeterit immortalia merita *Georgii Purbachii*, professoris Viennensis, sed celeberrimum discipulum eius *Ioannem Regiomontanum*†), qui cum praeceptore

*) In quo tamen, secundum MS. 1462, male scriptum est: *radicem dupla*.

**) Scholae mathematicae. Frcfrt. 1599. L. II. p. 62 sqq.

***) Factum est idem iam prius a Friderico III. et Sigismundo, Imperatoribus. Vid. ea, quae Viennensi Tabularum eclipsium Purbachii et Tabulae primi mobilis Ioannis de Montereio (anno 1514 impr.) praemissa sunt.

†) De hoc *Gassendus*, qui vitam eius scripsit (Miscellan. T. V. p. 522.), praeter alia haec narrat: „Grammaticam domi edoctus, missus fuit Lipsiam a parentibus, circiter duodecennis. Ibi inter caetera Dialecticam addidit, et quia necessariam ad illam agnovit Arithmeticae Geometriaeque notitiam, ideo se utriusque elementis condiscen-

suo instaurator astronomiae ac fere universae matheseos in toto Occidente unanimi consensu habetur, iustis laudibus effert. „Mathematicorum Germanorum, inquit, unus Regiomontanus longissime excelluit: monumenta ingenii orbi terrarum nota sunt, ingenio delatus honos non omnibus fortasse notus. Vienna professore Regiomontano gloriosa est. Matthias Hungariae rex, seculo suo regum decus, pro tabula astronomica pretiosam vestem et Hungaricos ducatos octingentos dono misit. Ephemerides annorum triginta, novus tunc et ignotus antea matheseos foetus, ita gratus accidit, ut exemplaria singula duodecim Hungaricis aureis venderentur, Germanis, Hungaris, Italis, Gallis, Britannis certatim coementibus; sed summus ille a Sixto Pontifice Romano honor fuit, absentem Regiomontanum Ratisponae episcopum designatum esse.“ Scilicet hoc versus finem vitae eius, praematura morte anno aetatis quadragesimo primo extinctae, factum est, quum Papa Romanus consiliis eius ad emendandum calendarium, ut olim Caesar Sosigenis ope, uti vellet, eumque Romam vocaret, ubi eodem, quo advenit, anno pestilenti morbo obiit, et cineres eius, iussu Papae, magnifica pompa in Pantheo sepulti sunt. Regiomontano vero non solum Vienna, verum etiam Norimberga fruebatur, qua in urbe ultimo vitae lustrum degit et cum Walthero, patricio Norimbergensi opulento, qui regio fere suum speculam astronomicam exstruxit, consociatus siderum motus observavit et calculavit, novasque et methodos et machinas astronomicas invenit. Operae pretium est, hic audire *Gassendum**) explicantem, cur Norimbergae sedem fixam Regiomontanus posuerit: „Quamobrem vero, inquit, hanc Civitatem prae caeteris delegerit, multiplex ipsi causa fuit. Primum quidem vicinia natalium. Deinde, quod, cum ea urbs foret quasi in Germaniae medietate, institui ex ea quoquoque literarum commercium per mercatores facile posset.

dis ita addixit, ut mora non longa ea perceperit. Cum non haberet autem illic aut aemulos, aut quemquam etiam, qui subnascentis sibi scrupulos omnes eximeret, ac non modo quidem circa partem Astronomiae Sphaericam, sed maxime etiam circa Theoricam, quam pernosse ardentius aiebat; ideo quibusdam referentibus, eiusmodi Artis studium in Viennensi Academia sub eximio quodam illius Professore Peurbachio efflorescere, eo iter arripuit, vix ephebus adhuc sub annum puta saeculi quinquagesimum primum aut quinquagesimum secundum.“ Attamen illustre Regiomontani nomen in Albo Universitatis nostrae non reperimus. Neque enim sub hoc neque sub Ioannis Mulleri nomine inscriptus videtur. Legimus quidem *Iohannem Molitors* quemdam, semestri aestivo anni 1447, et alterum *Iohannem molitors de numbrg*, semestri hiberno anni 1450 inscriptum, sed utrumque e Misenensium non Bavarorum natione. Fortasse propter puerilem aetatem inter cives academicos receptus non est.

*) Miscellanea T. V. p. 527.

Ad haec quod in eo artifices forent maxime omnium industrii, ac posset proinde per illos ea conficere organa, quae destinarat animo observandis coelestibus ad Astronomiae instaurationem. Denique, quod cum agigaret edere tot praeclaros libros, quorum insignem copiam pararat*), et lucubrationum etiam suarum aliquas; ac arte Typographica iam inventa, perque varia loca propagari incipiente commodissimum fore videretur, si Typographeion ipse sibi haberet, ut quandocunque et quodcunque liberet, posset in lucem emittere: provideret, se nusquam alias apparare eiusmodi ob peritiam artificum, cuiusmodi mente praeconceperat, posse. *videlicet excogitavit artis perficiendae rationem, quanquam initio statim non potuit rem ad praxim deducere, sed tali omnino oportuit, quale optimum habebatur, Typographeio esse contentum.*“ Videtur igitur Regiomontanus e perfectioribus artis typographicae esse; tanta vero erat gloria eius, ut Ramus eum ipsum inventorem esse putaret**). Norimbergenses autem praesentiam Regiomontani eiusque eruditionem et artem magni aestimabant, „visus enim est civibus, Musas secum adducere, hoc est omnem ingeniosae literaturae consummationem;“ quamobrem, ut cum Ramo loquar, operam dederunt, ut post eius mortem perpetuos Regiomontanos haberent. „Itaque, Ramus pergit, Vernerus primum, deinde Schoneri pater et filius Regiomontani animam deinceps excitant. Sed illud de civitate singulare est atque apud omnes civitates praedicandum: stipendium dare de publico mathematicum professori, qui vernacula lingua Latinae Graecaeque ignaros opifices erudiat: hinc etiam nobiles sine literis artifices: imo mathematicae disciplinae etiam apud posteros doctores. Durerus enim pictor hanc Noribergensibus laudem tribuit.“ Ita igitur Vienna et Norimberga duae quasi sedes eruditionis mathematicae factae sunt. Sed non defecerunt multi alii foci, e quibus lumina mathematica diffunderentur. Vitebergae Melanchthon studium mathematicum mirum in modum inflammavit. Gemma Lovianum, Apianus Ingolstadtum, Schenbelius Tubingam, Monsternus Basileam, Osvaldus Friburgum, Herlinus Argentinam, Engelardus Erphordiam, Rhaeticus et Homilius Lipsiam illustrant. Homilius etiam, teste Ramo, Carolo imperatori et Augusto Saxoniae electori mathematicum magister fuit, et ab utroque ampla praemia consecutus est.

Iam vero si quaeritur, quae causae studium mathematicum illis saeculis in Germania tam praeclare adiuverint, duas fuisse puto, unam quasi aristocraticae alteram democraticae originis. Ad illam referendum censeo cultum

*) Coëmerat nempe in Italia quam maximam copiam Codicum mathematicorum graecorum.

**) Scholae mathematicae p. 61.

astronomiae, quae principum favore et ecclesiae auctoritate fulciebatur, ad hanc mercaturae artiumque tum mechanicarum tum pulcrarum florem recens nascentem. Etenim astronomia ab antiquissimis temporibus principum gratia et liberalitate fruebatur, tum propter dignitatem et excelsitatem, quae ei inest, tum quod, cum astrologia coniuncta, rerum futurarum arcanam cognitionem initiatis aperire credebatur. Accessit ad hoc inter populos christianos patrociniū ecclesiae, quae in festorum dierum computatione astronomiae auxilio indigebat. Effloruit igitur in Germania astronomia sub sceptri lituque iusti tutela, non nautarum in usum tabulas componere et instrumenta methodosque excogitare iussa, sed inanimata totaque sui iuris. Ipsa vero felix, quod ei concessum erat, otium integrum assidua coeli contemplatione indefessaque de siderum cursu, magnitudine et distantia meditatione consumsit et sic, in diem crescens, totum terrarum orbem novo lumine illustravit. Ubi vero astronomia, ibi etiam tota mathesis floreare necesse est. Etenim utraque cum altera tam arcte coniuncta est, ut non solum numeri mensuraeque scientia astronomiam, sed haec etiam versa vice illam adiuvet, quum eam ad amplificandas doctrinas, ad inveniendā nova artificia incitare et quasi cogere nunquam desinat. Ita e. g. contigit illo ipso tempore, ut Regiomontanus in usum astronomiae utramque trigonometriam magis excoleret, tabulae sinuum tabulam tangentium, quam *secundam* nominabat, adderet, et in ipsa harum tabularum computatione fractionum decimalium doctrinae fundamenta poneret.

In his igitur unica sciendi cupiditas nobiliores animos ad altiora trahebat. Ab altera tamen parte negari non potest, animum in mathematicis non minus instigatum et incitatum esse longe alia, nimirum illa, si iustus finibus cohibetur, non omnino inhonesta cupiditate, rem suam opesque assiduo et industrio labore, qualem mercatura praecipue utilesque artes desiderant, augendi. In his vero Germani denique Italos secuti sunt, a quibus arithmeticae practicae mercatorum (*die wälsche Praktik*) et algebrae acceperunt, quam, italicum nomen *regola de la cosa* imitantes, *cosam* (*die Cofs*) appellabant. Inde factum est, ut iis in urbibus, quae frequenti commercio cum Italia coniunctae erant, arithmetica practica tum communis tum sublimior prae caeteris excoleretur. Sic algebrae germanicae origo Viennae, qua in urbe *Christophorus Rudolfus*, Iaweranus, vixit, quaerenda videtur, cuius merita *Stifelius**) summis laudibus celebrat, quaeque tanta sunt, ut secundum iudices aequos pariter

*) *Die Cofs Christoffs Rudolffs Mit schönen Exempeln der Cofs Durch Michael Stifel Gebeffert vnd sehr gemehrt. Zu Königsberg in Preussen 1533. Cf. Stifelii arithmetica integra. Norimbergae 1544, fol. 226. et Eiusdem Deutsche Arithmetica in praefatione.*

atque eruditos duumvirorum Rudolphi et Stifelii industria dimidio priori saeculi XVI. algebra, exceptis tertii ordinis aequationibus, in Germania magis excolta appareat quam in ipsa Italia^{*)}. Eodem fere tempore, quo algebra Vindobonae floruisse videtur, artes computatorum Norimbergensium celeberrimae erant. Clarissime hoc elucet ex istius *Balthasaris Lichtii* libro, quem supra in desideratis nominavimus, e quo, secundum epitomen Kaestneri^{**)}, haec mutatur. In ipsa fronte libri iam legitur: *Algorithmus linealis etc. Recte sicut in scholis Nurnbergenn. arithmeticorum docetur. Deinde:*

„Lectori

Aurea succincte pateat tibi regula detri

Frangere quo valeas quaeque minuta vaser

A sociis dictos quo possis prendere normas

Huius vilescent non tibi dona libri

Huius nurnberga nitet numerandi insignis ab arte

Huic arti multum contulit illa boni.“

Denique in epistola, quo auctor opus suum „*Vdralrico halb Augustissime academie Lipsienn. Ingeniarum artium et phis Magistro Mathematicae artis professori*“^{***)} dedicat: „Sunt qui dicant, inquit, litteris eruditis Arithmetica non esse necessariam. cum Astronomia. Geometria. et Musica istius egent ope-

*) HUTTON (*a mathematical and philosophical dictionary*. I, p. 77.): „After the foregoing analysis of the works of the first algebraic writers in Italy, it will now be proper to consider those of their contemporaries in Germany; where, excepting for the discoveries in cubic equations, the art was in a more advanced state, and of a form approaching nearest to that of our modern Algebra, the state and circumstances indeed being so different, that one would almost be led to suppose they had derived their knowledge of it from a different origin.“ Eadem fere dicit doctissimus CHARLES (*Geschichte der Geometrie* p. 637): „Man hat Grund zu glauben, dass, zumal in Deutschland, einige andre Werke einen andern Brennpunct bildeten. . . . Man schliesst darauf aus dem gelehrten Werke von Stifel, das 1544 . . . erschienen ist, worin sich die Elemente der Algebra und eine Menge auf diesem Wege aufgelöste Aufgaben der Geometrie finden, sowie in der Summa des Lucas de Burgo. Und dies Werk von Stifel bietet einen solchen Unterschied von diesem dar, dass man darin eine tiefere Kenntniss und eine ältere Ausbildung der algebraischen Wissenschaft, so wie auch einige Annäherung an die abstracte Form, die sie seitdem angenommen hat, erkennt.“

**) *Geschichte der Mathem* I, p. 84.

***) Hic Vdralricus, secundum Matriculam Ord. Philos. Lips., anno 1487 sub decanatu M. Matthaei Damerow de Prenzlavia paulo post festum Crucis baccalareandus admissus est sub hoc nomine: „*Vdralricus mollitoris de calb*“ et simul cum eo homo iste ignominiosae memoriae „*Johannes Thitzell de lipztigk*.“ Admissus est Vdralricus noster magistrandus anno 1491 sub decanatu M. Thomae Fabri de herrieden Altaristae eccl. S. Nicolai, paulo post festum Innocentium. Denique Lichtius baccalareandus admissus est

Quid hic sapias exspecto. Alij vero Nurenbergenſium Arithmeticorum imitationem improbant vehementius. Quis eſt tam iniuſtus eſtimator, qui non poſſit eos non laudare qui omne olim tempus atque omne ingenium ad haec ſtudia augenda ſumferunt. Hij ſunt qui arithmeticam locupletarunt. Hij ſunt quorum niſi induſtria accederet, Arithmetica in tenebris iaceret. Que cum ita ſint, quid eſt quod de eius imitatione dubitent, qua preſertim Nurenbergennodoclos numerandi artifices, eorum ad erudiendum conmiſſos iuvenes, noſtris hac pulcherrima arte multo abiliores longeque promptiores reddere conſtat, hos emulos mihi cenſores nolui, quoniam vtile diſcernere negligant, ſed tibi magiſter celeberrime, tuis ſub aliis optime defendendam, artem hanc apud mercatores in conſuetudine quotidiana viſitatam offerre volui quam crebris meorum condiciſcipulorum adhortationibus compulſus, publico uſui contuli.“ Apparet igitur ex his Norimbergeniſium in ponendis calculis ſollertia, verum etiam ſimul noſcitur contentio quaedam, cum qua viri docti illius temporis arithmeticam practicam, tanquam unam ex artibus *βαναυχαῖς* deſpexiſſe videntur. Confirmat haec ſimilis deſenſio, quam *Indocus Clichtoveus, Neoportuensis* compendio ſuo de praxi numerandi (Paris. 1503.), quod ſupra iam nominaviſſus, praeſemiſit. Scilicet poſtquam expoſuit, quam utile ſit „ſi praxis numerandi (quem Abacum dicunt) breuiſculis perceptionibus vtcunque aperiretur, quae eam numerorum ſpeculationem aggredi volentibus ſit admodum accomoda,“ haec adiicit: „At vero nonnullis res ipſa nimium humilis videri fortalle poterit minusque digna quam vt regulis conſtringatur more eorum que doctrinalia ſunt. Nempe contendunt Arithmeticam numerum Theoricum conſiderare: neque circa mercatoriam (ut recte monuit Plato) ſupputationem verſari“ etc. Scilicet tum et arithmetica et geometria in ſpeculativam et practicam dividebantur. Utrunque commodè ante oculos ponit *Gregorii Reischii margarita philoſophica*“),

anno 1498 circa dom. Invoc. ſub decanatu M. Iohannis de frigido fonte, ſub nomine: *Balthazar Licht de Greuentall*.

“) Sunt, qui hoc opus primum anno 1496 apparuiſſe putent, inter quos doctiſſimus *Chaulſius*. Alii primam editionem anno 1496 prodiiſſe cenſent, induciti carmine Adami Vuernheri, quod in tergo tituli editionis Argentinensis anno 1504 emiſſae excuſum et datum eſt „Ex Heydelberga 111 Kl. Januariarum MCCCCXXXXVI.“ Sed hoc carmine Gregorius Reichſius reprehenditur, quod „cohibere paret Eploma ſui monumentum Ingenij clarum“ et invitatur, ut precibus annuere et ſcripta ſua impreſſori tradere velit. Caeterum rem extra omnem dubitationem ponit *Panzerus* in annalibus typograph. (VII, 58), qui coram habuit editionem anni 1503, in qua legitur: *Chalcographatum primicianti hac preſſura*, Friburgi per Ioannem Schottum Argent. circa feſtum Margarethae anno gratiae M.CCCCC.III.“

universae scientiae illa aetate statum egregie depingens. Iam vero viri docti mathesin speculativam, tamquam philosopho digniorem, practicae praeferebant. Hinc in arithmeticiis, praeter libros V, VII, VIII, IX et X Euclidis, maxime Boëthium tractabant, partim commentando partim imitando. In hoc autem scriptore eiusque imitatoribus longam quidem seriem definitionum, divisionum et subdivisionum subtiliumque distinctionum videmus, sed theorematum fere nulla occurrunt, quare illorum saeculorum genio, ad subtiles nugas propenso, gratus quidem commodusque erat, sed animos ad novas quaestiones proponendas et volvendas incitare nullo modo poterat. Eius indolis libri sunt: Iordani Nemorarii (qui vixit c. a. 1250) elementa arithmetices cum demonstrationibus, i. e. explicationibus Fabri Stapulensis (Paris. 1496), eiusdem Fabri (qui obiit 1537 aetate centum fere annorum) epitome in libros duo Boëthii cum Clichtovei (mortui 1543) commentario (Paris. 1503), Ioannis de Muris (c. 1330) arithmetica speculativa (Mogunt. 1538), Martini Silicei (denati 1557) arithmeticae in theorica et praxin scissae pars prior (Paris. 1519), Conradi Norici (c. 1500) arithmetica communis (Lips. 1503), Iodoci Willichii (obiit 1540) arithmetica (Argent. 1540) et multi alii. In geometria theoretica, si a Thomae Bravardini (qui circa annum 1349 floruit) geometria speculativa discesseris, quae Parisiis 1495 primum impressa est, reliqui fere omnes in Euclidis elementis substituerunt. Practica vero geometria ea repetere solebat, quae Boëthius et agrimensores Romani docuerant, quamquam in his quaedam imperfecte alia vitiose praecepta essent. Apparet igitur ex his, antiquitatis graecae romanaeque studium, quod primum quidem in mathematicis quoque barbariae tenebras fugaverat, quum viri docti nimis diu in eo haerent, vigorem animi labefactasse et inertiam quandam fovisse, quae, Graecorum et Romanorum sapientia sese iactans, divitias hereditate acceptas nova industria augere praetermisit. Quod denique ad arithmeticae practicae attinet, cuius statum cognoscere hic prae caeteris disciplinis interest, ea prioribus medii aevi saeculis *Abaci*, serioribus, quum ab Arabibus Indorum numeratio in Occidentem venisset, *Algorismi* nomen gerebat et de numeris integris fractisque sive minuçis, ut dicebantur, disserere solebat. Iam supra ex Wallisio novem illas, inter quas Ioannes Sacrobosco distinguit, computandi operationes enumeravimus. Ex his mediatio cum duplicatione exeunte saeculo XV. vel incipiente XVI. saeculo pedetentim evanuit, in Italiae Lucae Paccioli, in Germania fortasse margaritae philosophicae vel eius libri, ex quo hausit, exemplo. In usum tironum saepissime arithmeticae „secundum characteres s. figuras“ (i. e. numerorum signa) arithmetica „secundum calculos supputatorias“ apponebatur, quae sine dubio ex abaco romano originem duxit. Hoc idem discrimen

est, quod computatores germanici per „*Rechnung auf Linien und Federn*“ exprimere solebant. In doctrina fractionum inter „vulgares“ et „physicas s. astronómicas minucias,“ h. e. divisiones sexagenarias distinguebant. In fine arithmeticae practicae plerumque Regula aurea s. de tribus posita erat, quae multis variisque exemplis illustrabatur. In computis mercatorum insuper accedebant regulae societatum, falsi, aliaeque.

Sed hic subsistamus, de Ioanne Widmanno Egerano alio loco et tempore disputaturi. Etenim iam renuntianda sunt nomina eorum, qui anno praeterito ab Ordine nostro summos in philosophia honores impetrarunt. Quibus vero praemitti solent nomina pie colenda illorum virorum, qui, ante quinquaginta annos Philosophiae Doctores et LL. Artium Magistri creati, superstites adhuc sunt atque incolumes. Unus tantum hoc anno est, quem Magistrum semisaecularem salutare nos liceat, nempe

VIR EXCELLENTISSIMUS ET DOCTISSIMUS
IOANNES CHRISTIANUS AUGUSTUS GROHMANN

PHILOS. THEORET. ET KLOQUENTIAE IN GYM. HAMBURGENSEI
QUONDAM PROFESSOR.

Cui igitur viro, de instituenda inventute et re literaria optime merito, semisaecularem hanc festivitatem ex animo gratulamur eique faustam et placidam senectutem exoptamus.

Magistris hoc ipso anno creatis etiam praemittendus est

IULIUS ROBERTUS DIHM

LUBANENSIS
PHILOSOPHIAE CULTOR

superiori anno admissus quidem, sed nunc demum declaratus.

Sequuntur nomina eorum, qui hoc ipso anno Ph. DD. et AA. LL. Magistri creati et tabulis publice propositis declarati sunt,

EDMUNDUS FRIDERICUS ULRICUS HAPPEL

THORUNENSIS
THEOLOGIAE CULTOR.

HERMANNUS LEOPOLDUS ZUNCK

THORUNENSIS
MATHES. ET SCIENT. NATUR. STUDIOsus.

ANTONIUS STEHR

GLIERARDORFIO SILESIUS
PHILOSOPHIAE STUDIOsus.

CAROLUS GUSTAVUS HEILAND

HERBERGENSIS

PHILOLOGIAE STUDIOBUS. SOCIETATIS GRAECAE SODALIS.

THEODORUS DOEHNER

ZWICCAVIENSIS

PHIOL. STUD. SOCIET. GRAEC. ET SEMIN. PHIOL. LIPS. SODALIS.

EDUARDUS KERST

PHIOL. CULTOR. SOCIETATIS GRAECAE ET SEMINARIUM PHIOL.
LIPS. SODALIS.

GUILIELMUS FERDINANDUS LUNDEHN

POTENTISE. REG. BORUSS. ADMINIST. ARCHITECT. BEROLINI.

IOANNES FRIDERICUS LUDOVICUS THEODORUS MERZDORF

LIPSIENSIS

PHILOLOGIAE STUDIOBUS.

IOANNES CAROLUS CHRISTOPHORUS KNOBLAUCH

HERRMANNFACENSIS

THEOLOGIAE CANDIDATUS.

VIR PLURIMUM REVERENDUS

LUDOVICUS BORKENHAGEN

DIACONUS ECCLESIAE EVANGELICAE ET RECTOR SCHOL. URSAN.
SCHWETZAE.

IOANNES GODOFREDUS WETZSTEIN

OELSENITIENSIS

THEOL. CANDIDATUS. SOCIET. HIST. THEOL. ET HERM. PHIOL.
LIPSIENS. SODALIS.

OTTO RUDOLPHUS ABENDROTH

PIRNENSIS

PHARMACIAE CULTOR.

CHRISTIANUS FRIDERICUS HOLL

DRESDANUS

PHARMACIAE CULTOR

GEORGIUS MARTINUS THOMAS

ONOLDENSIS

PHILOLOGIAE CULTOR. SOCIETATIS GRAECAE ET SEMINARIUM
PHIOL. LIPS. SODALIS.

AEMILIUS PREUSSER

HAYNENSIS

PHILOLOGIAE CULTOR.

VIR PLURIMUM REVERENDUS
ALBERTUS HENRICUS THEODORUS THYM
 PASTOR GARRIGARENSIS. SUPERINTENDENS ET EPHORUS SCHOLARUM DIOCESEOS
 LEOBURGENSIS IN POMERANIA.

ALEXANDER BECKER
 LIPSIIENSIS
 STUDIOSUS IURIS.

MAXIMILIANUS HERMANNUS FROTSCHER
 PAUSA VARISCUS
 CAND. THEOL. ET SOCIETATIS EXEGETICAE LIPS. SENIOR.

CAROLUS LUDOVICUS AUGUSTUS HUEBNER
 GRAUDENTIENSIS
 CANDIDATUS THEOLOGIAE.

FRIDERICUS FRANCISCUS HENRICUS MARCWARD
 GRABONUS
 CANDIDATUS THEOLOGIAE.

CAROLUS GUSTAVUS MEISSNER
 ZITTAVIENSIS
 SCHOLAE CIVICAE ZITTAVIENSIS MAGISTER.

FRIDERICUS GUILIELMUS FRANCISCUS GUTSMUTHS
 ISENHAYNENSIS
 CHEM. ET PHYS. PRAECEPT. IN SCHOLA REALI SAALFELDENSIS
 VIR EXPERIENTISSIMUS

CHRISTIANUS ALBERTUS WEINLIG
 DRESDANUS
 MED. ET CHIR. DOCTOR. SOC. NAT. SCRUTAT. LIPS. SODALIS.

ERNESTUS GUSTAVUS NAUMANN
 GOLSENA MARCHICUS
 PHILOGOGIAE CULTOR.

FRANCISCUS THEODORUS HEYLAND
 GERANUS
 PHILOSOPHIAE STUDIOSUS.

DAGOBERTUS ERNESTUS FRIDERICUS BOECKEL
 GEDANENSIS
 THEOL. CULTOR. SOC. HIST. THEOL. LIPS. SODALIS.

Deniquo antiquo ritu creati sunt:

OSCAR CAROLUS ALFREDUS HUNGER
 DE MONTE BELLICARDO
 REVERENDI MINISTERII CANDIDATUS.

AUGUSTUS FRIDERICUS MUELLER

EIBENSTOCKIO MONTANUS
THEOLOGIAE CANDIDATUS.

FRIDERICUS HERMANNUS HOERING

GERRENA THURINGUS.
REV. MIN. CAND. SOC. HIST. THEOL. LIPS. SODAL.

BENIAMIN TRAUGOTT SCHOENRICH

ZAHLESDORFIO VARISCUS
THEOLOGIAE CANDIDATUS.

SAMUEL GOTTLÖB ROBERTUS PHILIPP

OLNA SILESIVS
PHIOL. CULTOR. MUNERIS SCHOLASTICI SUPERIORIS
CANDIDATUS.

GUSTAVUS ADOLFUS FLEMMING

DRESDANUS
REVERENDI MINISTERII CANDIDATUS.

FRANCISCUS ROBERTUS POLSTER

FRANKENBERGENSIS
THEOLOGIAE CANDIDATUS.

IOANNES SIBELIS

FUDISSENSIS
PHIOL. CULTOR. SOCIETATIS GRAECAE ET SEMINARII PHIOL.
LIPS. SODALIS.

GEORGIUS BIPPART

AUGUSTI-BERGA THURINGUS
PHIOL. CULTOR. SOCIETATIS GRAECAE SODALIS.

P. P. in Univ. Lips. Dom. Invoc. A. S. MDCCCXXXX.

678456

100
100



BIBLIOTECA

B
Mi

3